

Minuto de silencio no Parlamento de Galicia tras o atentado de Barcelona

Santiago, 18 de agosto de 2017.- O Parlamento de Galicia acolleu este mediodía unha concentración de un minuto de silencio como sinal de repulsa contra o atentado terrorista perpetrado onte en Barcelona e para expresar a solidariedade e cercanía ás vítimas.

Na escaleira principal do Pazo do Hórreo, o presidente da Cámara encabezou unha concentración na que se deron cita integrantes da Mesa da Cámara, portavoces e deputados e deputadas.

En declaracións aos xornalistas, o presidente do Parlamento de Galicia, Miguel Ángel Santalices Vieira, reiterou a condena do atentado.

O feito de que representantes de todo o arco parlamentario galego participasen na concentración celebrada este mediodía para expresar a repulsa contra o terrorismo foi valorada por Santalices Vieira, convencido de que desde a unidade é posible superar a barbarie.

Desde esta mañá, as bandeiras ondean a media hasta no Parlamento de Galicia como sinal de loito.

Saúdos, Gabinete de Comunicación do Parlamento de Galicia.